

**Bosna i Hercegovina
Federacija Bosne i Hercegovine
Kanton Sarajevo
JU Osnovna muzička škola
„Mladen Pozajić“
S a r a j e v o**

Školski odbor

Broj: 88/15

Dana: 26.03.2015. godine

Na sjednici Školskog odbora JU Osnovne muzičke škole „Mladen Pozajić“ Sarajevo održane dana 26.03.2015. godine jednoglasno je donesena

O D L U K A

I


Usvaja se Pravilnik o postupku direktnog sporazuma OMŠ „Mladen Pozajić“ Sarajevo

II

Pravilnik stupa na snagu danom donošenja.



Predsjednik Školskog odbora


Šehović Safija, dipl. pravnik

Na osnovu člana 90 Zakona o osnovnom odgoju i obrazovanju (Službene novine Kantona Sarajevo br. 10/04,21/06,26/08,31/11 i 15/13), člana 90. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 9. Pravilnika o direktnom sporazumu BiH, Školski odbor Osnovne muzičke škole “Mladen Pozajić” Sarajevo na sjednici održanoj 26. 03.2015.godine donosi

P R A V I L N I K
O POSTUPKU DIREKTOG SPORAZUMA
JU Osnovne muzičke škole “Mladen Pozajić” Sarajevo

Član 1.
(Predmet Pravilnika)

Pravilnikom o postupku direktnog sporazuma (u daljem tekstu: Pravilnik) definiše se postupak javne nabavke roba, usluga i radova u OMSŠ “Mladen Pozajić” Sarajevo (u daljem tekstu: Škola) putem direktnog sporazuma.

Član 2.
(Uslovi za primjenu direktnog sporazuma)

Postupak direktnog sporazuma se može provesti kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.

Škola može tokom jedne godine za isti predmet nabavke potrošiti do 6.000,00 KM putem ovog postupka.

Škola može započeti postupak direktnog sporazuma ako je takva nabavka predviđena planom nabavki ili kada se donese posebna odluka o pokretanju direktnog sporazuma u skladu s članom 17. stav (1) Zakona o javnim nabavkama Bosne i Hercegovine (u daljem tekstu: Zakon).

Član 3.
(Principi dodjele direktnog sporazuma)

Postupak direktnog sporazuma se provodi na način da se osigura poštovanje principa iz člana 3. Zakona.

Član 4.
(Početak postupka)

Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona.

Procijenjena vrijednost mora biti važeća u trenutku kada škola zatraži prijedlog cijene ili ponudu od jednog ili više privrednih subjekata.

Postupak direktnog sporazuma započinje donošenjem odluke ili rješenja u pisanom obliku koje sadrži sve elemente iz člana 18. stav (1) Zakona.

Odluku ili rješenje o pokretanju postupka nabavke direktnim sporazumom donosi direktor škole.

Član 5.
(Izvršenje postupka)

Škola ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.

Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, škola:

- a) pregovara sa ponuđačem/ponuđačima o cijeni i/ili
- b) prihvata prijedlog cijene ili ponudu jednog ponuđača i/ili
- c) provodi drugu vrstu postupka definisanu Zakonom.

Član 6.
(Izbor ponuđača)

Kod izbora ponude na osnovu koje će biti dodijeljen ugovor, Škola kao ugovorni organ treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.

Škola bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, škola djeluje u skladu sa dobrom komercijalnom praksom.

Kada traži prijedlog cijene ili ponudu, škola daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabave.

Član 7.
(Zaključivanje direktnog sporazuma)

Direktni sporazum smatra se zaključenim:

- a) kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) kod nabavki čija vrijednost je viša od 1.000,00 KM, škola je dužna zaključiti ugovor.

Član 8.
(Prijelazne i završne odredbe)

Izmjene i dopune ovog Pravilnika o postupku direktnog sporazuma se vrše na način i po postupku previđenom za njegovo donošenje.

Član 9.
(Stupanje na snagu)


Ovaj Pravilnik stupa na snagu danom donošenja.

Stupanjem na snagu ovog Pravilnika prestaje primjena Pravilnika o postupku direktnog sporazuma za nabavku roba, usluga ili radova broj: 748/07 od 19.12. 2007.godine.

Broj: 88/15
Sarajevo, 26. 03. 2015.g.



Predsjednik Školskog odbora


Šehović Safija, dipl. pravnik